



Dato: 12. juli 2022
Kontor: Nordatlantkontoret
Sagsbeh: Maise Biørn Jørgensen
Sagsnr.: 2021-490-0319
Dok.: 2430313

Uunga siunnersuut:

Kalaallit Nunaanni pinerluttulerinermi inatsisip allanngortinneqarneranik inatsit (akuersissuteqaqqaarnissamik tunngavilimmik pinnigitsaaliilluni atoqatiginninneq pillugu aalajangersagaq)

§ 1

Kalaallit Nunaanni pineqaatissiinermut inatsimmi, tak. nalunaarut nr. 1045, 7. september 2017-imeersoq, allanngortinneqartoq inatsimmi § 2, nr. 572, 10.maj 2022-meersumi, § 1 inatsimmi nr. 1056-imi, 30. juni 2020-imeersumi, § 1 inatsimmi nr. 168, 27. februar 2019-imeersumi aamma § 2, inatsimmi nr. 1718, 27. december 2018-imeersumi imatut allannguisoqassaaq:

1. § 77, imm. 1 aamma 2, imatut iluseqalissapput:

» Pinnigitsaaliilluni atoqateqartutut pineqaatissinneqassaaq, atoqateqarsimasoq imal. allatut akuerineqarani peqateqarsimasoq.

Stk. 2. Pinnigitsaaliilluni atoqateqarsimasutut pineqaatissinneqassaaq, kina meeqqamik 12-it inorlugit ukiulimmik atoqateqarsimasoq allatulluunniit kinguaassiuutitigut atoqatiginnittoq«.

2. § 79-imi imatut allanngortinneqassaaq »§ 77, imm. 1, nr. 3.« imaattunngortillugu: »§ 77, imm. 2.«.

§ 2

Inatsit atuutsinneqalissaaq ulloq [1. juli 2023].

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

Inatsisissatut siunnersuummut oqaaseqaatigiumasat

Oqaaseqaatit nalinginnaasut

1. Aallarniut	4
2. Akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq	5
2.1. Inatsisigut maanna tunngaviusut	6
2.2. Pillaatissiinermut inatsit pillugu siunnersuisoqatigiit qallunaat pillaatissiinermut inatsisaani akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersakkamut eqqarsaatersuutaat.....	10
2.2.1. Maanna pinngitsaaliilluni atoqateqarneq pillugu qallunaat pillaatissiinermut inatsisaata § 216, imm. 1-iani aaliangersagaq	10
2.2.2. Oqaatsit” immineq piumassuseq” aamma ”akuersineq”	12
2.2.3. Pisut pineri.....	15
2.2.4. Nalilersuineq uppersaasiinerlu	15
2.2.5. Kinguaassiuutitigut pinerluutit allat	17
2.3. Justitsministeriap isummersuutai aaqqiissutissatullu siunnersuutigineqartut	18
2.3.1. Justitsministeria isumaqarpoq, pillaatissiinermut inatsimmut atatillugu siunnersuisoqatigiit pillaatissiinermut inatsisip ataani pinngitsaaliilluni atoqateqarnermut atatillugu aaliangersakkap allangortittariaqarneranik isummersuutaa pineqatissiinermut inatsimmi aamma atuuttusoq.....	18
2.3.2. Taamaattumik siunnersuutaavoq pillaatissiinermut inatsimmi § 77, imm. 1., nutaamik oqaasertaliuunneqarluni ilusilerneqassasoq, taamatut pisoqarneratigut pillaatissiissuteqarsinnaasunngortillugu akuerinnin-nertaqanngitsumik atoqateqarneq.	19
2.3.3. Justitsministeria (Inatsisinik atuutsitsinermut naalackersuisoqarfik) isumaqarpoq, ullumikkut § 77-imi imm. 1 aamma 2-mi allassimasut tunngavigalugit unioqqutitsinertut isumaqarfigineqartut pillaatissii-nermut inatsimmi siunissami aamma pinngitsaaliisimanertut isigineqassasut.	22

2.3.4. Justitsministeriap pisuunermut atatillugu piumasaqaatit, uppersaasiissutit uppersaasiussanillu naliliernut atasut pillugit pineqaatissiinermut atatillugu siunnersuisoqatigiit isumaqatigai.....	23
2.3.5. Justitsministeria isumaqarpoq, Pinerlunermut inatsisip § 77-iata saniatigut sakkortusaammik ilanngussisoqassasoq.	23
2.3.6. Justitsministeria isumaqarpoq, maanna pillaatissiinermi inatsimmi § 77, stk. 1, nr. 3 (siunnersuutigineqartoq § 77, stk. 2) aamma §§ 78-80 naapertorlugit pineqartut § 77, imm. 1-ip nutaamik oqaasertaliuunnerani saniatigut tigumminnarneqassasut	24
3. FN-ip nunarsuaq tamakkerlugu anguniagaanut kingunerusussat.	25
4. Assigimmik pinninnissap kingunerisassai	25
5. Pisortanut aningaasaqarnikkut atuutitsilernermilu kingunerusussat	25
6. Inuussutissarsiornermi il.il. aningaasaqarniarnikkut allaffissornikkullu sunniutaasinnaasut	25
7. Innuttaasunut allaffissornikkut sunniutaasinnaasut	25
8. Avatangiisinut pinngortitamullu sunniutaasinnaasut	26
9. Silaannarmut pinngortitamullu sunniutaasinnaasut.....	26
10. EU-mi eqqartuussiveqarnermut attuumassuteqarneq	26
11. Oqartussaaffeqarfiit ingerlatseqatigiiffiit il.il tusarniaaffigineqartut	26
12. Eqikkaalluni skematut takussutissiaq	26

1.Aallarniut

Qallunaat nunaanni Naalakkersuisut nunatsinnilu Naalakkersuisut peqatigiillutik kissaatigivaat qallunaat Kalaallit Nunaanni akisussaaffigisaasa inerisarnissaat, tamatuma ataani isumannaarumallugu inuiaqatigiit angutitaasa arnartaasalu tunngaviatigut naliigiimik periarfissaqartitaanissaat.

Tamatuminnga suliaqarnermut atatillugu Justitsminiteriap Naalakkersuisunit qinnuvigineqarnertik naapertorlugu una inatsisissatut siunnersuut suliarivaat, tassani imarisaalluni pineqaatissiisarnermut inatsimmi pinngitsaaliilluni atoqateqarnermut inatsimmik allannguinnissaq.

Pinngitsaaliilluni atoqateqarneq inuiaqatigiinni pinerluttuliornerit ilungersunarnerpaat sakkortunerpaallu ilagivaat tassanimi suaassuseq tunngavigalugu atoqatigiinnermi immineq timimut oqartussaasuuneq annertuumik inarlerneqarmat.

Pineqaatissiinermut inatsimmi aaliangersakkami atuuttumi tunngaviuvoq unioqqutitsisup pinngitsaaliissutit aaliangersimasut atorsimassagai, imal. eqqugaasup imatut inissisimasimanissaa, pisoqarnerani akiuussinnaajunnaaqasimalluni. Tassa imaappoq, ullumikkut tamanna malillugu pinngitsaaliilluni atoqateqarsimanertut tamatigut taamatut nalilerneqarsinnaangilaq, pineqartoq atoqatigiinnissamut naaggaarsimagaluarpuunniit. Tamannalu allanngortittariaqarpoq.

Tassa piffissanngorpoq isumannaassallugu, atoqatigiinnissamut immineq oqartussaanerup pinngitsaaliilluni atoqateqartoqarsimatillugu qitiutinneqalernissaa, Inuiaqatigiittut atonerlunneqartut inatsisitigut naapertuuttumik illersortariaqarpagut.

Inummik allamik atoqateqarsimaneq, aapparisaq piumanngikkaluarpuunniit, inuup tunngavianik kiffaanngissuseqartitaaneramik aammalu immineq timiminut oqartussaaneramik eqqunngitsuliorneruvoq.

Pinngitsaaliillunimi atoqateqarneq pinngitsaaliiginnarnerunngilaq imal. piumanani oqarnerinnaannani. Tassami tunngaviummat atoqatigiittut tamarmik taamatut pisoqarnissaanik akuersaarinnissimanissaat. Tassani inuit pineqartut tamarmik akuersisimassapput tamannalu atoqatigiinnerup tamaakkiisumik pinerani allatullunniit pisoqarnerani atuutissaaq. Tamaanngippallu pinngitsaaliinerussaaq – aamma aappariit akornanni.

Inatsit malillugit unioqutitsinertut isigineqassapput inummik akuersinngitsumik atoqarteqarnerit allatulluunniit ilaqarsimanerit. Inuiaqatigiit pinngitsaaliilluni atoqarteqarnertut paasinnittaasiat, allanngortinneqassaaq, nutaamillu pineqatissiinermut inatsimmi akuersinertaqanngitsumik pinngitsaaliilluni atoqaternermut aaliangersaasoqarluni, tamannalu pineqatissiinermut inatsimmi allannguutaavoq nutaarluinnaq.

Pinngitsaaliilluni atoqateqarsimanermik aaliangersagaq akuersinissamik aallaaveqartoq, pinngitsaaliilluni atoqateqarnertut nalilerneqartunut atatillugu politiit iliuuseqartarnerannut, unnerluussisut oqartussaanerannut eqqartuussiviillu suleriusaannut pingaaruteqaannarnani aamma inuiaqatigiinni isiginnittaatsinut allannguutaassaaq, tassa qitiusutut inissisimalissammat inuit allat killiliisarnerannik ataqqinninnissaq aammalu kiffaangissuseqarluni immineq timimut aaliangiisinaanermut.

Akuerinninneq tunngavigalugu pinngitsaaliilluni atoqarteqarnermut inatsimmi oqimaaqatigiissarneqassapput atornerlunneqartunik illersuinissaq taakkulu inatsisitigut isumannaarinniffigineqarnissaat aammali pineqarluni pisuutitaasut inatsisitigut illersorneqarnissaat, tassami sulit atuutsinneqarmat pinngitsuutitaasoqarsinnaaneq, tassanilu unnerluutiginnittuusut pisuusitsinissaq pillugu uppersaasiinissaat. Akuersineq inatsisitigut peqqissaarlunnartumik naapertuillunnartumillu nalilersorneqassaaq, pineqartup pisullu qanoq ittuusimanerat aallaavigalugit.

Inatsisissatut siunnersuut atorlugu siunnersuutigineqarpoq minnerunngitsumik pineqatissiinermut inatsimmi § 77, imm. 1 aamma 2, allasimasunik sakkortusaassasut. Tamatuma akuersinertaqanngitsumik atoqateqarsimanerit tamarmik pinngitsaaliisimanertut isumaqartinneqalernerisigut.

Inatsisissatut siunnersuutip tunngavigivaa qallunaat nunaanni pillaatissiinermut inatsimmi allannguutaasoq, tamannami pivoq inatsisiliornikkut taaneqartumik nr. 2208, ulloq 29. december 2020-imeersumik, pineqarluni akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq. Allannguutip tunngavigivaa Pillaatissiinermut inatsimmut siunnersuisoqatigiit isumaliutissiissutaat nr. 1574/2020.

2. Akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq

2.1. Inatsisigut maanna tunngaviusut

Pineqatissiinermut inatsimmi § 77, imm. 1, nr. 1 aamma 2 tunngavigalugit pinngitsaaliilluni atoqateqarsimasut pineqaatissinneqassaaq kina pinngitsaaliilluni atoqateqarsimasoq allatulluunniit kinguaassiuutitigut atoqatiginnittoq persuttaanikkut qunusaarinikkulluunniit (nr. 1) imal. al-lamik atoqateqarlunilu allatut atornerluisimasoq, pinngitsaalineqarsimasoq imatut inissisimasimappat, pisumi akiuisinnaasimanani (nr. 2).

Pineqatissiinermut inatsisimmi § 77, imm 1, nr. 3, malillugu pinngitsaaliil-luni atuisimasutut pineqaatissinneqassaaq inuk meeqqamik 12-it inorlugit ukiulimmik atoqateqarsimasoq. Tassani atoqateqarneq inatsisisinik unioq-qutsitsisimanermut aallaaviuvoq, taamaattumillu tamanna inatsisit malillu-git akisussaaffigisani tamatigut tunngaviunani, tassa pisoqarsimatillugu § 77, imm. 1, nr. 1 aamma 2.imi, imal. § 77, imm. 2-mi nassuiarneqartut tunngavigalugit.

Taakku saniatigut § 77, imm. 2 naapertorlugu pinngitsaaliilluni atoqate-qarsimasutut pisuutinneqassaaq imm. 1-imi allassimasut naapertorlugit, atoqateqarsimasoq imal. allatut inatsisit unioqquutillugit pinngitsaaliinikkut peqateqarsimappat, tak. § 91.

Pineqatissiinermut inatsisimmi § 77, imm. 3 naapertorlugu, pinngitsaaliil-luni atuisimasutut pineqatissiissutissamik aaliangiinermi immikkut nalili-iffigineqartarpoq nikanartuliorfiginnissimaneq, ajortuliorfigineqarsimasut 18-it inorlugit ukioqartillugit.

Pineqatissiinermut inatsit § 77, imm. 1 aamma 2, atorneqartarpoq pineqartil-lugit atoqateqarsimanerit allatulluunniit kinguaassiuutitigut atoqatiginninnerit. Pineqatissiinermut inatsimmi malinneqartarput § 77-imut piareersaataasimasut, tak. Folketingstidende 2018-19, A, L 123 qupp. 20-imi allassimasut, tassa atoqateqarnerit arnap kinguaassiuutaatigut itia-tigullu pisimatillugit.

Allatullut kinguaassiuutitigut atoqatiginnittoqartillugu pissutsit allat eqqarsaatigalugit assersuutitut taaneqarsinnaavoq kinguaassiummik mi-lutsinneq, aluttuineq, inussanik arnap kinguaassiuutaanut itianulluunniit manggussineq aallatulluunniit kinguaassiuutinik attualarineq.

Qulaani taaneqartutut § 77 imm. 1, nr. 1 pineqatissiinermut inatsimmi u-nioqqutsitsinertut isigineqarput akuerineqarani atoqatiginninnerit imal.

qunusaarineq persuttaanerluunniit atorlugit atoqatiginninnerit allatulluunniit iliuuseqartitsinerit. Taamaanneratigut tassa pisumi ataqatigiissuteqas-sapput akuerineqarani atoqateqarnerit imal. persuttaaneq qunusaarinerluunniit aqputigalugit allatut peqateqarnerit. Piumasaqaat taaneqartoq naapertorlugu pisoq pisimassaaq aappaarisamit akuerineqanngitsumik, tak. Folketingsstidende 2018-19, A, L 123 aqputigalugu saqqummiunneqartoq, qupp. 7.

Persuttaanerit tassaapput nukiit atorlugit piumasamik angusaqarniarnerit (soorlu nukeqarneruneq atorlugu pinngitsaaliinikkut atoqateqarneq imal. assigiinngitsutigut tigumminnittumik/-nik ikiorteqarluni atoqateqarneq) aamma allatut pinngitsaaliilluni (soorlu patittaalluni tilluaalluniluunniit pineqartoq akiuisinnaajunnaartillugu). Pineqartumik susinnaajunnaartitsilluni tigumminninq aaliangersagaq naapertorlugu persuttaanertut isigineqarpoq.

Suleriutsimi persuttaaneq pineqaatissiinermut inatsimmi § 77, imm. 1, nr. 1, naapertorlugu aamma sakkukinnerusumik persuttaanerit ilaatinneqarput. Persuttaanertut tassani assersuutigineqarsinnaapput pineqaatissiinermut inatsimmi § 77, imm. 1, nr. 1 naapertorlugu pisimasut tassaasinnaasut susinnaajunnaartitsilluni tigumminninnerit, soorlu pinngitsaaliilluni attuaalarinnineq, piumanngitsumillu qalliineq. Tassa imaappoq persuttaanertut isiginninnermi pisariaqanngilaq annertuumik patitaanissaq allatullu persuttaasoqarnissaq imal. qunusaarinissaq, aammali ilaatinneqarlutik nipituul-iunngikkaluarluni qunusaarinerit, aamma timitalerneqanngikkaluartumik qunusaarinerit.

Pineqaatissiinermut inatsimmi § 77, imm. 2-mi allassimasut naapertorlugit pinerlunneruvoq arlaannik akuerisaanngitsumik pinngitsaaliissuteqarluni atoqateqarneq. Akuerisaanngitsumik pinngitsaaliineq pinerluttulerinnermi inatsimmi § 91-mi atuutsinneqassaaq, annersaanertaqanngikkaluartumik allatullunniit timitalinngikkaluarlugu annersaanissamik qunusaarinerit.

Aaliangersakkap piareersarnerani ilaavoq, tak. Folketingsstidende 2007-08, ilanngussaq, qupp. 1658-imi, aamma Folketingsstidende 2018-19, ilanngussaq A, L 123-mi qupp. 7-mi aaliangersakkami ilaasutut eqqarsaatigineqarmata atoqateqarnerit allatulluunniit kinguaassiuutitigut atoqatiginninnerit qunusaarinerillu sakkortuujunngikkaluartulluunniit atorlugit. Pineqaatissiinermilu inatsisip § 91-ianni -persuttaanerup sakkortuul-iornissamilluunniit qunusaarinerit saniatigut - pinngitsaaleriaatsit

taaneqarput, soorlu pigisanik annertunerusumik ajoqusiiniarnerit, pingitsaaliniakkamik tigumminninniarnertit, allatut pinerlunnertut isigineqas-sutaasinnaasunik qunusaarinerit imal. inuup qanigisaanut attuumassute-qartutigut qunusaarinerit.

Pineqatissiinermut inatsimmi § 77, imm. 1, nr. 2 naapertorlugu pisuutinne-qassaaq kina allamik kinguaassiutitigut allatulluunniit tunngaveqartumik atoqateqartoq, taamatut atornerlullugu inuk pineqarnerminut akiuussin-naanngitsutut inissisimasooq. Aaliangersagaq taamatuinnaq isumaqartinne-qarpoq, eqqugaasooq imminut ikiorsinnaajunnaarluni persuttarneqarnis-samik qunusaarneqarnikkut persuttarneqarnikkulluunniit inissisimappat. Persuttaaneq taamallu pisoqarnissaanik qunusaarineq atorlugit atoqate-qartoqarsimappat, tamanna § 77, imm. 1, nr. 1-imi ilaareerpoq.

Aaliangersakkap piareersarneqarnerani ilaapput, tak. Folketingstidende 2018-19, tillæg A, L 123 qupp. 7-imi, pingaarnerit ataanni ilaatinneqartut ”qanoq issutsit”, sininneq, ilisimannginneq, putumanerujussuaq, allatut tammaqqaneq, timikkut soriarsinnaajunnaqqaneq il.il.

»Inissisimanerit«, pingaarnerit tullisut inissisimasut, taaneqarsinnaapput naatsorsuutiginnngisamik tupannartutut pisut. Aaliangersakkamik taamaattut aaliangersimasumik pisutut isigineqarput, tassani pineqarlutik tupannar-tumik periataartut, piareersimaffiunngitsumik atoqateqaleriasaarnerit al-latullu peqateqarnerit, pineqartoq qisuariariarsinnaatinnagu ingerlan-neqartut. Tassani pineqartut ilaatigut makkuupput; pineqartoq mattaa-ngatillugu, tassani pinnittoq attualarisinnaanissaminut, taamallu iliorner-migut killissanik qaangiilluni. Taamattut ataani eqqarsaatigineqarput immi-nut asannerit, nakorsamit misissorneqarnerit tagiartortinnermilu pis-innaasut, tak. Folketingstidende 2018-19, ilanngussap A, L 123-ip qupper-nerisa 7-ianni allassimasut.

Pinerlunnertut § 77, imm. 1, nr. 2 naapertorlugu akisussaaffinni aali-angiisuunngilaq, pisup atuinertut isigineqarsinnaanera, kisiannili pisumi pinnittoq atoqatiginninnissamut periarfissaqalenera allatulluunniit kinguaassiutitigut atoqatiginninnera aallaviussaaq, tamannalu ”atoqate-qaannarnermit” tunngavikinneruvoq.

Pineqaatissiinermut inatsimmi § 77, imm. 1 aamma 2-mi allassimasut unioqquatinneqassappata, taava aaliangersagaq naapertorlugu unioqquutitsisi-masooq pisumut atatillugu tamakkiisumik piaaraluni taamatut iliorsimasutut isigineqassaaq.

§ 77-imik unioqutsitsinermi pineqaatissiisoqassaaq apeqqutaatillugit unioqutitsinerup sakkortussusia aammalu pisuusup inuttut qanoq inissisimasuunera, tassami iliuuserineqartumi sakkortussutsit annertussusaat nikerartuummata. Taamatut tunngaviliinikkut pineqatissiinerit siammasisuseq eqqarsaatigalugu tamakkiisumik aallaveqassammata.

Pineqatissiinermit inatsit tunngavimmigut pisuusooq aqutsisoralugu aallavilerneqartarpoq, tak. Kalaallit Nunaanni eqqartuussiveqarneq pillugu ataatsimiititarsuarmit eqqartuussiveqarneq pillugu isumaliutissiissut nr. 1442/2004 (matuma kingorna Eqqartuussiveqarnermut ataatsimiititaliar-suup isumaliutissiissutaatut taagorneqartussaq), bindi I, qupperneq 121 ff. Tamatuma kingunerisaanik, eqqartuussiviup pineqatissiissusiissutissamik aaliangiinermini annertuumik mianerissavaa inuup eqqartuunneqartup inuttut inooqataasutullu tunngavigisatut atugai, taassuma ataani taassuma kingorna nutaamik pinerluuteqaqqinnissamut qanoq inissisimanissaatut naatsorsuutigisinnaasat, tak. § 121, imm. 1, nr. 2. Kisianni aamma naliliinermi ilaatinneqassaaq ingerlanneqarsimasup qanoq imaqarnera aammalu inuiaqatigiinnit pinerluutit qanoq ittuunera tunngavigalugu akiuiniarneq, tak. § 121, imm. 1, nr. 1.

Inatsisiliaq nr. 572, 10. Maj 2022-meersoq atorlugu pineqaatissiinermit inatsit § 77 18-it inorlugit ukiulinnik pinngitsaaliilluni atoqateqarnermit pineqatissiissutit qanoq inissinnissaat sakkortusineqarput.

Allanguut peqcutigalugu, immikkut inatsisinik unioqutitsilluni nikanarnartuliorfiginninneq pingaarnerusutut inissinneqarpoq. Inatsisiliornermit tunngaviuvoq 18-it inorlugit ukiulinnut pinngitsaaliilluni atornerluinermit pineqatissiissutaasartut 50%-inik qaffannissaat. Tamanna peqcutigalugu aamma suliaq, siornatigut ukioq ataatsimik pineqatissiinermit kinguneqartartoq maanna ukioq ataatsimik qaammatinillu 6-inik sivisussuseqartinneqartalissasoq. Suliallu ukiut marluk pineqaatissiissutaasartut qaffanneqarput ukiut 3-nngortillugit.

Nalinginnaasumik tunngaviusussanngussaaq pineqaatissiinermit sakkortunerulersitsisoqarsinnaaneq, pinngitsaaliilluni atoqateqarsimanermit annertuumik persuttaasoqarsimappat, pinngitsaaliilluni atoqateqarneq sivisusimappat, pinngitsaaliilluni atoqateqarneq allaqartunit ingerlanneqarsimappat imal. atornerlunneqartup angerlarsimaffianut iserluni tamanna ingerlanneqarsimappat. Kisiannili pineqaatissiineq sivikinnerusunngortinneqarsinnaavoq, soorlu assersuutigalugu kinguaassiutigut pinngitsaaliilluni

atoqateqarnerusimanngippat imal. taamatut pinissaq ingerlanniar-neqarsimanngippat.

2.2. Pillaatissiinermut inatsit pillugu siunnersuisoqatigiit qallunaat pillaatissiinermut inatsisaani akuersissuteqaqqaarnissamik tunngavilimmik pinngitsaaliilluni atoqatiginnineq pillugu aalajangersakkamut eqqarsaatersuutaat

2.2.1. Maanna pinngitsaaliilluni atoqateqarneq pillugu qallunaat pillaatissiinermut inatsisaata § 216, imm. 1-iani aaliangersagaq

Pillaatissiisarnermut akuersinertalimmik atoqateqarnissamut inatsimmi isumaliutissiissut nr. 1574/2020-imi takuneqarsinnaavoq, pillaatissiinermut inatsimmut siunnersuisoqatigiit isumaliutissiissutigisimagaat, qallunaat pillaatissiinermut inatsisaanni atuuttumi § 216, imm. 1, tunngavimmigut pineqatissiinermut inatsimmi § 77, imm. 1, nr. 1 aamma 2, aamma imm. 2-mi pillaatissiisarnermut inatsimmut assingusumi naammattumik erseqqisarneqarsimasoq atoqatigiinnermut atatillugu immineq aaliangiisinnataaneq.

Qallunaat nunaanni pillaatissiissutaasarsimasut tamakkiisut 1. juli 2016-imiit 1. juli 2019-imut aaliangiunneqarsimasut misissornerini, pillaatissiinermut inatsit pillugu siunnersuisoqatigiit isumaat malillugu, qallunaat nunaanni inatsit tunngavigalugu pinngitsoortitaasimanerit arlaqartut aaliangiunneqarsimasut takuneqarput, taakkunani apeqquserneqarsinnaalluni atoqatigiinnermut tunngatillugu immineq aaliangersinnaatitaanermut aaliangersagaq saneqqunneqartarsimansoq.

Siunnersuisoqatigiillu pineqartut taavaat, eqqartuussinerni ingerlanneqarsimasuni, qallunaat inatsisaanni tunngavissiat tamanna ilaannakuusumik qulaajaraat, piumanngitsumik atoqateqarnermut sammisutut isummerfigineqarsinnaasut tamakkernagit. Siunnersuisoqatigiit isumaat malillugu taamani pillaatissiinermut inatsimmut § 216, imm. 1-imut atatillugu eqqartuussinerilluingerlanerini, naammattumik qitiutinneqanngitsoq, atoqatigiinnermi illugiissut tamatuminnaga tamarmik isumaqatigiissimasut, aaliangersakkami tassanilu atoqatigiinnissamut immineq oqartussaaffeqartitaaneq tamatigoruinnaq atuutissammat.

Naak taamanikkut aaliangersakkap oqaasissiornerani ilaasutut oqaatigineqarsinnaagaluartoq, atoqateqarneq paatsuugassaannngitsumik akuerineqarsimanngitsoq, tak. pinngitsaaliinerit, persuttaanerit allatullu pi-umannngitsumik il.il. peqateqarnerit pillugit piumasqaammi, pi-soqarsinnaasoq, akuerineqartumik peqateqarsimaneq, taamaattunili aap-paasoq piumanani nalunaarsimasoq, kisiannili taamaattuni inatsisit pineqartut aallaavigalugit atoqateqarsimaneq pillaatissiissutaasinnaanani, pinngitsaaliissutinik assigisaanillu atuisoqarsimanngimmat. Siunnersuisoqatigiit isumaat naapertorlugu taaneqartutut pisimasut, pinngitsaali-inertut pillaatissiissutigineqarsimasariaqaralarput. Siunnersuisoqatigiillu tamatumunnga atatillugu pingaartutut inissippaat peqatigineqarsimasup tatiginassutsimigut innarlerneqarnera taamallu aamma atoqateqarnissami immineq aaliangiisinnaatitaanera.

Pillaatissiinermut inatsimmut atatillugu siunnersuisoqatigiit isumaat naap-ertorlugu, § 216 tunngavigalugu pillaatissiinermi aaliangiisuussannngilaq atoqateqarnermut atatillugu pinngitsaaliissutinik atuisimaneq imaluunniit pisumi aapparineqarsimasup akiuisinnaasimannginnera, taamaallaalli inis-sinniarqarluni atoqateqarneq illugiinnit akuerineqarluni ingerlan-neqarsimanersoq.

Qulaani taaneqartut pillugit Siunnersuisoqatigiit isumaqatigiittut isu-maqarput, pillaatissiinermut inatsisip § 216-ia allannngortinneqartariaqartoq, taamatut iliornikkut aalingersakkami ilanngunneqarlutik piumanani ilaqarsimanerit sulluunniit. Tamatumunnga atatillugu Siunnersuisoqatigiit taavaat, pillaatissiinermi tunngaviit annertusineqarnerisigut erseqqissisinne-qassammat, atoqateqarnerit sulluunniit tamatigorluinnaq illuatungeriinnit akuerineqarlutik pissammata. Inatsisigut allannguinnikkut aamma si-ammasinnerusumik paasinninneq siammaanneqassammat, atoqatigiinnermi akuersinertaqartumik akuersissutaannngitsumillu taamallu pillaatissiissutigi-neqarsinnaasumik ingerlanneqartut, ingerlanneqarsimani killeqartut, taaneqarporlu taamatut iliortoqarneratigut pillaatissiinermut tunngasut erse-qqinnerulersinneqassammata, tassani erseqqissilluinnarluni atoqatigi-innermi immineq aaliangiisinnaatitaaneq tatiginassuserlu. Kiisalu inatsim-mik allannguinnikkut atoqatigiinnernut akuersinertaqannngitsumik ingerlan-neqarsimasunut taamallu inuiaqatigiit akuerinnikkumannnginnerat naqis-suserneqassalluni.

Taamaattumik pillaatissiisarnermut inatsimmut atatillugu Siunnersuisoqatigiit siunnersuutigaat pillaatissiinermut inatsimmi § 216, imm. 1-

imi pillaatissiissutaasinnaanerisa tunngavii siammasinnerusunngortinneqasasut, tassani piumasaqataajaajunnartinneqassalluni, atoqateqarnermik pilersitsisimasup pinngitsaaliissutissanik atuisimanissaa, imal. atornerlunneqartuusup qanoq inissisimasimanera.

Siunnersuisoqatigiit eqqarsaatigisimavaat, ”Pinngitsaaliilluni atoqateqar-neq” siammaanermi aamma atorneqassanersoq, imal. allamik taaguuserineqarsinnaasumik nassaarsiortoqassanersoq.

Siunnersuisoqatigiit isumaqarput, atoqateqar-neq, appaasoq piumanngitsoq, imatut aapparineqartup tatiginassusianik innarliitigisoq, tamanna taasariaqarluni ”Pinngitsaaliilluni atoqatigineqarsimanertut”, apeqqutaatin-nagu atoqateqartoq persuttaasimanersoq imal. qunusaarisimanersoq, ima-luunniit atornerlunneqartoq imatut inissisimasimanersoq, pisumi iliuse-qarluni akiuussinnaasimanani. Taamatut pisoqarpat, suulluunniit saku-gineqarsimagaluar-pata, tamanna immineq aaliangiisinnaatitaanermik tatigi-nassutsimillu pinarluinnartumik innarliineruvoq.

Innersuussutigineqarput isumaliutissiisummi quppernerit 125-129 og 140-141.

2.2.2. Oqaatsit ”immineq piumassuseq” aamma ”akuersineq”

Siunnersuisoqatigiit eqqarsaatigisimavaat oqaaseq sunarpiaq pillaatissiiner-mut inatsisip § 216, imm. 1-iani atorneqassanersoq. Isummorsornermilu siunnersuisoqatigiit immikkut sammisimavaat oqaaseq ”immineq piumas-sutsimik”, ataatsimiititaliarsuarmit atorneqarsimasoq, Sverigemi pin-ngitsaaliilluni atoqatersimanermut inatsimmi tunngaviutinneqartoq aammalu ”akuersineq”, nunani assigiinngitsuni inatsisini atorneqarsimasoq, tak. ilisimatitsisummi kapitel 4.

Siunnersuisoqatigiit taavaat, oqaatsit immineq piumassuseq aammalu akuerininneq erseqqilluinnartuunngimmata eqqartuussinermullu atatillugu killeqaratik, taamaattumillu pisariaqartoq erseqqissaanissaq, tassa atoqatigi-innermut atatillugu oqaatsit pineqartut atorneqartut pisariaqartumik erseq-qissarneqarnissaat.

Siunnersuisoqatigiinni amerlanerussuteqartut isumaqarput, pinngitsaaliil-luni atoqateqar-neq pillugu aaliangersakkami tunngaviutinneqassasoq im-mineq piumassutsimik atuinissaq, ikinnerussuteqartulli isumaqarput tun-ngaviussasoq oqaaseq akuersineq.

Pillaatissiisarnermut inatsit pillugu siunnersuisoqatigiit isumaqarput, pinngitsaalilluni atoqateqarnerup pineqarnerani immineq piumassuseq tunngaviussasoq, ikinnerussuteqartulli isumaqarlutik akuersineq aallaaviussa-soq.

Amerlanerussuteqartut ilaatigut tikkuarpaat, amerlanerussuteqartut isumaat naapertorlugu paasinartoq, pineqarmat atoqatigiinnerit immineq kajumissuseq tunngavigalugu pissammata, tassanilu isumaqaqqajaatitsilluni, pineqartumi ingerlasut assigiinnigitsut naammassineqarsimanissaat. Tassungalu atatillugu amerlanerussuteqartut saqqummiuppaat, inatsisimmi oqaasertaliineq imaassinnaasoq akuersineq arlaatigut sutut unioqqutitsiner-tut imaqarsinnaasoq, taamallu tunngaviusumit allaanerusumik. Amerlanerussuteqartullu aamma tikkuarpaat, unioqqutsitsinerunera pillugu oqaasissiornerani sukaterutaasunik pisariaqartitsisoqarmat tassani atoqate-qarniartuusumut allatulluunniit peqateqarniartumut atatillugu, piumasaqaa-taasunik isumannaarinninnissamut, atoqatiginiakkap akuersinissaa, kisiannili aamma eqqartuussivimmi naliliisussanut ersersillugu eqqarsaatigineqassammat pisunut atatillugu ilaatigut tunngaviatigut isumaqartoqarsinnaammat pisut akuerineqartumik ingerlanneqarsimasut, taamaattunilu naatsorsuutigineqarsinnaasariaqarmat, atoqatiginiagaasup paasinartumik piumannginnissaa, atoqateqarumanngikkuni. Taamaattumik amerlanerussuteqartut isumaqarput, erseqqissumik pissusilersoqartoqarsimatinnagu – apeqqutaalluni tunngavissap qanoq iluseqarsimanera, - pi-sussamik aallartitsisuusup qulakkeerinninnissaa, aappariniakkap ilumut akuersinera, aappariniagaq erseqqissumik takutitsinngippat, immineq pium-assutsimik takutitsinngikkaluarluni. Tassani erseqqissuliunnginneq tassaalersinnaavoq akuersinnginneq, ammanerullunili, erseqqissuliunnginneq piumannginnermut piumanermulluunniit takutitsinerunersoq. Kiisalu amerlanerussuteqartut tikkuarpaat oqaaseq akuersivoq atorneqassappat nalilerneqartariaqassammat, tamanna immineq piumanermik akuersineru-soq. Tamatumunngalu atatillugu amerlanerussuteqartut oqaatigivaat pi-soqarsinnaammat, akuersinermik, kisiannili tamanna pinnani immineq kaju-missuseq tunngavigalugu, taamaammallu qanorluunniit ikkaluarpat naliliisoqatariaqassasoq immineq piumanermik oqarnerup taava qanoq paasisariaqarnera, naak akuersineq oqaatsit atorneqartussaagaluartoq.

Kiisalu amerlanerussuteqartut isumaqarput, oqaaseq immineq kajumissuseq pinngitsaaliilluni atoqateqarnerup aaliangersaatissatut siunnersuutigineqartumi atussallugu nalequnnerusoq taamallu naqissusiinerussasoq, kinaluunniit atoqateqarnermut atatillugu immineq aalingiisussaataammat,

aammalu atoqatigiinneq qanorluunniit ittoq illuatungeriit akuerseqatigiinnerannik tunngaveqassammat.

Ikinnerussuteqartut tikkuarpaat akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersakkap pinerlunermik pillaatissinneqarsinnaaneq siammasinnerusumik imaqalersissagaa, inatsimmi siornatigut pillaatissiissutigineqarsinnaanngitsut ilaatillugit. Ikinnerussuteqartullu aamma taavaat, akuersineq marluk akunneranni isumaqatigiinnermik isumaqarnertupajaaq ittoq, taamallu illuatungeriinni akuerineqartumik, oqaaserli immineq kajumissutsimik atorpeqarpat imatut isumaqapajartoq aappaasup kissaataanut illuatungiliuttusoq akuersaarinnittoq. Ikinnerussuteqartut isumaat naapertorlugu immineq piumassutsimik tunngaveqanngitsumi, atoqatiginiarneqartoq piumasimassanngitsoq, akuersinermi pissappat tamatuminnga atoqatiginiarneqartoq oqassammat. Qanoq pisoqarsimanermik qulaajaaniarnermi akuersisimaneq naliliissutigalugu aaliangersaanermi annertunerusumik qitiutinneqassaaq inuk atoqatiginninniarnermik aallartitsisuusimasoq. Ikinnerussuteqartullu aamma tikkuarpaat, aaliangiisussaassammat aaliangersakkap imatut isikkoqarnissaa, ersersinneqarluni, tassa atoqatigiinninnissarpiaamut atasumik akuerinninneq pissammat, eqqartuussinermilu aaliangiinermi aaliangiisuunani atoqatigineqartoq piumanani akiuussimaneqsoq. Kiisalu ikinnerussuteqartut tikkuarpaat, isummersuutitik malillugit akuersissuteqaqqaarnissamik tunngavilimmik pinngitsaaliilluni atoqatiginninnisaq pillugu aalajangersakkami erseqqaarinnerulersumik allannguisoqartariaqartoq, eqqartuussinermi illersuutaasinnaasut kimeqarnerulersinneqassappata aammalu apeqqut akuersisimaneq aallaavigalugu pinngitsaaliilluni atoqateqarnerisimaneq pillugu aaliangersagaq erseqqissumik qulaajagaasoq iluaqutaasinnaasoq pissusilersornermi killiffiit suut atoqateqarnermut atattillugu akuersaarneqarsinnaassasut suullu akuersaarneqarsinnaassanngitsut siammasinnerusumik paasinartunngortinneqarpata.

Immineq kajumissutsimik oqaatsimik atuinikkut, amerlanerussuteqartut isumaat malillugu, oqaatsit atorpeqarsimasut imal.iliuserisimasat aqqutigalugit pisimasoq pineqartoq qanorlu ingerlasimaneq ersersinneqarsinnaalissapput.

Ikinnerussuteqartut isumaqarput tamanna tunngavissiuinikkut eqikkaalluni isummerfigineqartussaasoq, nalilersorlugu atoqatigiinnermi peqataasimaneq akuerineqarsimasutut isigineqarsinnaanersoq. Tassa pi-

umasaqaataassanngilaq, peqataajumanginnerup toqqartumik oqaatigineqarsimanissaa allatulluunniit aaliangersimasumik takutinneqarsimanissaa.

Amerlanerussuteqqartut ikinnerussuteqqartullu oqaatsit immineq kajumissutsumik aammalu oqaaseq akuersineq pillugit isummersuutaat takuneqarsinnaapput isumaliutissiissutip qupp. 135-40, 176-183 aamma 188-191-iini.

2.2.3. Pisut pineri

Pillaatissiinermut inatsit pillugu siunnersuisoqatigiit eqqarsaatigisimavaat, pisut pineri, siuliani pillaatissiinermut inatsisip § 216, imm. 1-ip ataani aaliangersakkami allattorneqarsimasut, aaliangersakkami toqqaannartumik ilaasariaqarnersut (siuliani pillaatissiinermut inatsisip § 216, imm. 1-ip) iluani aaliangersakkami allattorneqarsimasut, aaliangersakkami toqqaannartumik tunngavittut ilaasariaqaraluartut, pisimasut pinerini immineq kajumissuseq imal. akuersineq atorunnaarsillugit.

Siunnersuisoqatigiinni amerlanerussuteqqartut siunnersuuteqqartut, pisut pineqqartut nutaamik pinngitsaaliilluni atoqateqqarneq pillugu aaliangersakkami toqqaannartumik ilanngunneqqartariaqqartut pisimasuni immineq kajumissutsumik akoqqanngitsuni. Siunnersuisoqatigiinni ikinnerussuteqqartut siunnersuutigivaat, pisut taaneqqartut pinngitsaaliilluni atoqateqqarneq pillugu aaliangersakkami toqqaannartumik ilanngunneqqassasut, pillaatissiiniarnermi sakkortunerusunngorsaatitut.

Nutaamik pillaatissiinermut inatsimmi § 216, imm. 1-imi allanneqqartussatut siunnersuutigineqqartut, Siunnersuisoqatigiit isumaat naapetorlugu eqqartuussinermi illersorneqqarnissamat § 216, imm. 1-imi aaliangersakkami maanna atuuttumi tunngaviusumut sakkukillisaataanngitsut. Taamaattumik siunnersuisooqatigiit isumaat malillugu pillaatissiissutaajuassaaq persuttaaneq qunusaarinerluunniit atorlugit pinngitsaaliilluni atoqateqqarneq imal. Inatsisunik unioqqutitsilluni pinngitsaaliilluni atoqateqqarneq, tak, § 260, imal. pisumi pineqqarpat kina imatut inissisimasimasoq, pineqqarnerminut iliuuseqqarluni unissaaniarluni akiuussinnaanani.

Aamma innersuussutigineqqartut isumaliutissiissummi qupp. 158-159 aamma 161 aamma 191.

2.2.4. Nalilersuineq uppersaasiinerlu

Pillaatissiinermut inatsimmut atatillugu siunnersuisoqatigiit aamma isummersuutigaat apeqqutit naatsorsuineq, uppersarsaasiineq aammalu uppersarsaatnik nalilersuineq.

Siunnersuisoqatigiit nalilersuinermit atatillugu isumaqarput, tunngavissaqanngitsoq pinerlunnertut isiginiassallugu piaarinani atoqateqarneq pinngitsaaliilluni atoqateqarsimanertut. Akunnattoorit, pinerlunnertut naliliinermut atatillugu qaqinneqarsinnaasut, tak. pillaatissiinermi inatsimmi isumaliutissiissut nr. 1534/2012, kinguaassiuutitigut pinerlunnerit pillugit, siunnersuisoqatigiit isumaat naapertorlugu allannguuteqaratik ilaajuarsinarput.

Pillaatissiinermut inatsit pillugu siunnersuisoqatigiit tamatumunnga atatillugu oqaaseqarput, piaarinnginneq atornerqarpat eqqartuussiviup pisut aallaavigalugit pisuusup suut ilisimasariaqagaanik naliliineq akisussaaffigimmagu. Piaarinnginnermik oqarneq suut qanoq ittusaaneritik naliliineruvoq, taamatullu oqarneq ataasiaakkaat isummersuutaannik tunngaveqalersinnaavoq, tassani ataasisakkaat atoqatigiinnermik isiginnittaasiat ilaasinnaalluni. Siunnersuisoqatigiillu isumaqarput taamatut nalimmassaaneq takorluuisinnaanermik sanngiillissutaassasoq eqqarsaatigalugu pisuni aalingersimasuni qanoq isiginnilluni naliliisoqarsinnaaneq, taamatullu ilisumik qalipaasersuinikkut pisuusutut isigineqartup naapertuilluartumik pineqarnissaa aamma equtinneqarsinnaalluni. Taamaattumik naapertuilluartumik pinninnissaq eqqarsaatigalugu piomasarineqarluni pisoq nalilerneqassasoq atoqatigiinnermi pisimasuiit aallaavigalugit.

Siunnersuisoqatigiit oqariartuutigivaat, pillaatissiinermut inatsisip § 216-ianik allannguutissatut siunnersuut eqqarsaatigalugu pinngitsaaliilluni atoqateqarsimanerit tunngavii siammasinnerulersinneqassasut, tassani ilanngunneqartussanngussalluni inummik akuersisimannngitsumik imminerluunniit kajumissutsiminik atoqatigineqarsimasumik ilaqarsimasoq. Taava piomasarineqarunnaassaaq, atoqateqartup persuttaasimanera, persuttaanisamik qunusaarisimanera imal. allatut akuerisaanngitsumik pinngitsaaliisimanera imal. atoqatigineqartoq arlaatigut inissisimasimasoq pisumi akiunnissaminut.

Pillaatissiissutaasussamik tunngaviusunik atitusaanerup, siunnersuisoqatigiit isumaat naapertorlugu, malitsigisaanik pisariaarutissaaq piaarinnginneq pillugu aaliangersagaq.

Aammalu, siunnersuisoqatigiit paasinninnerat naapertorlugu, suli itigartin-neqaannarsinnaassanngilaq navialiffiusinnaammat eqqartuusseriaatsimut sakkukillisaataasinnaanera, atorneqarsinaasunngorlugu eqqunneqassappat” piaarinani pinngitsaaliilluni atoqateqarneq”.

Immineq kajummissuseq aallaavigalugu pinngitsaaliilluni atoqatigiinner-mut aaliangersagaq, amerlanerussuteqartunit siunnersuutigineqartoq, aammalu akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq, ikinnerussuteqartunit siunnersuutigineqartoq suli aaliangersakkami piumasaqaataassaaq, pisuusup pisup nalaani atoqatiginninnissamik siunnerfeqarnera tunngavigalugu. Tamanna isumaqarpoq pisuusq aaliangersagaq naapertorlugu siunertaqarsimasoq atoqatiginnissalluni inummik immineq kajumissutsiminik peqataajuman-ngitsumik imal. akuerinninngitsumik. Taamaattumik tassa naammagineqan-gilaq, pisuusup ilisimannissimasariaqarnera, atoqatiginninneq aappaasu-mit akuerineqanngimmat imal. atoqatigineqartoq akuersisimanngimmat.

Nalilerneqarsinnaappat, immineq kajumissutsimik aallaveqanngitsumik atoqatiginnittoqarsimasoq imal. atoqateqarneq akuerinninnertaqanngitsoq, taava apeqqut tassaalissaaq, pisuusq atoqateqarnissamik siunertaqarsiman-ersoq. Tamatumunnga atatillugu pingaaruteqassaaq aaliangiullugu nalilis-sallugu, pisuusq isumaqarsimasinnaasoq, atoqatini immineq kajumis-sutsiminik peqataasoq imal. atoqatigiinnissamut akuersisimasoq.

Pisumik uppernarsaasiinermi amerlanerussuteqartunit ammalu ikinne-russuteqartunit pillaatissiinermut inatsimmik § 216, imm. 1-imik allanngui-nissamik siunnersuinissaq unnerluussisumit akisussaaffigineqassaaq.

Saniatigut innersuussutigineqarput isumaliutissiisummi qupp. 154-156, 166-167, 183-185 aamma 191-192.

2.2.5. Kinguaassiuutitigut pinerluutit allat

Pillaatissiinermut inatsit pillugu siunnersuisoqatigiit eqqarsaatigisimavaat, pinngitsaaliilluni atoqateqarnerup peqqussummut qanoq attuumassute-qarnera § 216, stk. 2, og §§ 218-223, taassumalu pingaarnertut isigalugu assigivai pineqaatissiinermut inatsimmi 77, imm. 1, nr. 3-mi aamma §§ 79 aamma 80, taassumalu ataani aaliangersakkat, peqqutigalugu pillaatissiiner-mut inatsisip § 216, imm. 1 nutaamik oqaasissiorneqarmat, taamaattumik peerneqartariaqaralarpoq immaqaluunniit eqqarsaatigineqarluni tamatuma

pinerlunnertut isigineqarnera taamaaginnassanersoq tassa pisoq pinngitsaaliilluni atoqateqarnertut isigineqarnani kisiannili kinguaassiutitigut allatut pinerluttuliornertut isigineqarluni.

Siunnersuisoqatigiit isumaat malillugu, aaliangersakkani pineqartuni pinerlunnertut oqariartuutaasut atatinneqaannartariaqarput ilaatillugit § 216-imi imm. 1-ip nutaamik oqaasissiuunneqarnerani.

Siunnersuisoqatigiillu maluginiarpaat, pisup imarisaa imarisaaluunniit qulaani aaliangersakkami eqquuppata, atoqatigiinnerlu allatulluunniit ingerlanneqartoq immineq kajumissutsimik akuerineqartumilluunniit pisi-masuunani, taava imaalersinnaasoq pillaatissiissummut amerlanerussuteqartut ikinnerussuteqartulluunniit inatsisissatut siunnersuutaat tiguneqas-sappat, taava pillaatissiisoqartoq pillaatissiinermut inatsimmi § 216, imm. 1-imi imarisaasunut kalluaattumik.

Innersuussissutigineqarpullu aaliangersakkami qupp. 141 – 146.

2.3. Justitsministeriap isummersuutai aaqqiissutissatullu siunnersuutigineqartut

2.3.1. Justitsministeria isumaqarpoq, pillaatissiinermut inatsimmut ataatillugu siunnersuisoqatigiit pillaatissiinermut inatsisip ataani pinngitsaaliilluni atoqateqarnermut ataatillugu aaliangersakkap allannngortittariaqarneranik isummersuutaa pineqatissiinermut inatsimmi aamma uttuusoq.

Justitsministeriap paasinninnera naapertorlugu, taava immineq kajumissuseq aallaavigalugu pinngitsaaliilluni atoqateqarnerup assigilissavaa akuersaarinninnermik tunngaveqartumik pisoqarsimaneq erseqqissaassulis-sallugulu pinerlunnermut ataatillugu kinguaassiutit aallaavigalugit pisut immineq kajumissutsimik aallaveqanngitsut immineq aaliangiiffiusussaati-taasummata. Saniatigullu siunnersuutit marluusut taakku erseqqissassa-vaat inuiaqatigiit tungaannit immineq kajumissutsimik aallaveqanngitsumik atoqateqarnerit akuersaarneqanngimmata, taamallu naqissusissallugu inuia-qatigiit tungaannit tamakkiisumik isigalugu qanoq isiginnittaaseqarneq.

Kiisalu Justitsminitseriamit maluginiarneqarpoq, immineq kajumissutsimik akuersinermillunniit aallaaveqartunik pisut unnerluussisuussunit uppernar-sarneqartussaassammata, pisut immineq kajumissutsimik akuersinermillun-

niit aallaaveqannginnerat. Tassa imaappoq pineqartuni illugiinni uppernar-saaserniarneqassaaq pisimasoq qanoq ittuusimansoq. Taamaattumik min-isteriaqarfiup isumaa naapertorlugu, pinngitsaaliilluni atoqateqarsimanernut atatillugu imaluunniit pisuutitaasup illersorneqarsinnaanera isuman-naarumallugu, assigiinngissuteqassanngitsaq qanoq isummiussineq – tassa pisoq immineq kajumissutsimik imal. akuersinermik aallaaveqarnersoq.

Justitsministerialli isumaa naapertorlugu aaliangersakkatut ilusilerniagaaq pineqartoq siunnersuutiginiarneqartoq inerniliinernik assigiinngitsunik marlunnik pilersitsisinnaavoq. Akuersaarinnineq aallaaviuppat, taava ili-uuseqannginnermi pinnittoq pisussaaffimmik isumannaarinnittussan-gortinneqassaaq, pineqartoq iliuuseqannginnermigut akiuutinnginnermi-gut akuersaarinnissimasoq immineq kajumissusermut sanilliullugu.

Pinngitsaaliilluni atoqateqarnermut aaliangersagaq nutaaq isuman-naarinnittuussaaq erseqqissitinnerussagamiuk atoqatigiinnermut atatillugu immineq oqartussaasuuneq paasinarsitillugulu, pinngitsaaliilluni atoqate-qarnermi aaliangiisuunnngimmata pinngitsaaliisoqarsimaneq imaluunniit piumanani saqqummiisimaneq. Taamaattumik aamma paasilluinnartaria-qarpoq, atoqatiginninnermik pilersitsisoq tamatigut akisussaasuummat isu-mannaassallugu ilaginiakkami akuerinninnissaa.

Tamanna tunngavigalugu Justitsministeria Danmarkimisulli isumaqarpoq, akuersissuteqaqqaarnissamik tunngavilimmik pinngitsaaliilluni atoqatiginninneq pillugu aalajangersagaq Kalaallit Nunaannut atuuttoq atu-gassaqqinnerusoq isumannaarumallugu atoqatigiin-nermi imminut aaliangi-iffiusussaanerup atorneqarnissaa sanilliullugu immineq kajumissuseq aallaavigalugu pingitsaaliilluni atoqateqarnermut aaliangersagaq.

2.3.2. Taamaattumik siunnersuutaavoq pillaatissiinermut inatsimmi § 77, imm. 1., nutaamik oqaasertaliuunneqarluni ilusilerneqassasoq, taamatut pisoqarneratigut pillaatissiissuteqarsinnaasunngortillugu akuerinnin-nerataqanngitsumik atoqateqarneq.

Akuersineq immineq kajumissutsimik tunniunneqassaaq tassani ersersinne-qarluni pisoq pineqartumit immineq peqataaffigiumaneqartoq, aallaaviga-lugit pisup tunuliaqutai ingerlanerilu.

Pinngitsaaliillunimi atoqateqarneq immineq tassaanngilaq pinngitsaaliineq imal. piumannginnermik piumasaqarnissaaq. Killormulli apeqqutaasoq

tassaavoq atoqatigiinneq/ilaqarneq immineq piumasamik akuerisamillu pinersooq. Atoqatigiittut marluullutik akuerinnissapput, tamannalu atuutissaq atoqatigiinneq tamakkiisumik ingerlatillugu. Taamaangippaammi pinngitsaaliilluni atoqateqarnerussaaq, aamma aapparit akornanni.

Akuersineq oqaasinngorlugu iliuseqarnikkulluunniit takutinneqarsinnaavoq. Tamannalu pillugu toqqaannartumik allatulluunniit takutinneqarnissaa piumasarineqanngilaq. Pinngitsaaliillunilu atoqateqarneq pillugu aaliangersakkami qanoq iluseqartitsinissaq tamakkiisumik nalilersuinermi naqitanngorluguluunniit pissasutut malitassiugaanngilaq.

Atoqatigiinnermummi atatillugu akuersineq assigiinngitumik takutinneqarsinnaavoq assigiinngitsunillu iluseqarsinnaalluni.

Tungaviatigut inuk atoqateqarnissamik akuersisoq pineqartillugu naatsorsuutigisariaqarpoq sunngilluinnarluni uninngaannarsimassanngitsoq kisiannili pisumi arlaatigut peqataanermik soqutiginninneermillu takutitsissasoq.

Iliuutsit atoqatigiinnissamut allatulluunniit peqatigiinnissamut akuersinermik takutitsissutaasinnaasut, soorlu kuninnerusinnaapput, atuinnerusinnaallutik, nuannisarnermik nipiliornerusinnaallutik arlaattigulluunniit aalanikkut takutitsinerusinnaallutik, soorlu aapparisaq saatiterlugu, atisat immineq paaarlugit, asaqatigiinnermi timimik aalatitsinerit allatulluunniit iliornerit atorlugit.

Takorloorneqarpoq inuk pinngitsaalineqartoq eqqarsaatiginngisaminik erserpalussinnaasooq, akiuinani qerisutut ililluni. Taamaattut ersersinnaapput inuup oqalussinnaajunnaartutut nikissinnaajunnaartutullu pissuseqaler neratigut, aammali takuneqarsinnaasarpooq pineqartoq imatut ersiortigisinnaasartoq, timini allaat atorsinnaajunnaavittarlugu (soorlu saatersinnaanani, atoqatigiinneq pitinnagu pineranilu taamaaliornissamik qinnuvigineqaraluaruniluunniit aalasinnaanani, paaarinerunngitsumik ersinerulli pilersitaanik issorarluni. Tamannalu takussinnaavoq atoqatigiinneq aallartinngitsorluunniit pineraniluunniit. Taamatut inuup inissinnerani, tassalu qerisutut ilinera, akuersinertut imal. paaaraluni pinertut iliornertulluunniit paasineqassanngilaq, kisianni tassami ersinermi pisuugami. Taamaattoqartillugu akuersisoqanngisaannarpoq.

Qulaani taakkartorneqartut qimakkutsigit, pisuni atoqatiginiarneqartoq iliuseerulluinnartarpoq, akuerininnertut akuersinnginnertulluunniit paatsoorneqarsinnaasumik.

Pisut pinerini, atoqatigiinnermi arlaasup peqataangilluinnarnera isumaqarnarpoq taava taanna atoqatigiinnissamut akuersisimanngitsoq, taamaattumik taamatut pisumi atoqatigiinissamik allatulluunniit kinguaassiuutitigut atoqatiginninnissamik kissaateqartuusoq, iliuuseqartariaqartussaavoq isumannaarumallugu, atoqatiginiagaq akuersaarinninnersoq. Kisianni aamma pisumi aappaasumit peqataangivittoqartillugu qanorpiaq ingerlasoqarnera nalilersorneqartus-saavoq paasiniallugu atoqatigiinneq akuerinninnermik tunngaveqarluni pisimanersoq.

Aamma taaneqartutut pisumi peqataangilluinnartoqartillugu – tunngaviusumik tamakkiisumillu naliliinnermi akuerinninnermik tunuliaquteqartoqarsinnaavoq. Tassani naliliinnermi ilaasinnaavoq, siornatigut pineqartut akuersineq tunuliaqutaralugu atoqatigiissimanersut, tamannalu pisimasoq nalilersuinnermi maanna pineqartutut, tassa qunusaarinertaqanngitsumik assingusumilluunniit tunngaveqarsimanngitsoq, apeqqutaasullu illuatungerivaa pineqartut siusinnerusukkut atoqatigiissimannginnerat.

Tunngaviatigulli isumaqarnarsinnaavoq, inuup atoqatigiinnissamut allatulluunniit peqatigiinnissamut akuerinnissimasup akuliusimasutut tunniusimalluni susimanngilluinnarsimasinnaanera, naatsorsuutigisariaqarsorinarlunili arlaatigut pisumi aamma soqutiginnippaluttumik peqataasimanis-saa.

Pisuni akuerinninneq arlaatigut malunnarsimatillugu, kisiannili kingorna pisup ingerlanerani apparisaq soqutiginnippalunngilluinnalersillugu, taava akuersisimanera apeqquserneqarsinnaalissaaq, soorlu akuersisimaneq kinguaassiuutitigunnaq pissasoq, itikkoorinnittoqarnani imal. angutip kinguaassiuutaanik milunnissaq kisimi akuerinartinneqqarsimasinnaalluni, tassa kinguaassiuutitigut atoqatigiinnertaqanngitsumik, taava aamma tamatumani qanorpiaq akuersaarinninnerup tunngaveqarsimanera nalilersugas-saassaaq. Taamaattumik taamaattuni nalilersuinnerni qulaani assersuutigneqartut ilanngunneqartussaassapput.

Arlaatigut atoqateqarnissamik akuersinnerni apeqqutaapput, atoqatiginniffigineqartoq immineq piumassutsiminik tamatumunnga akuersinnersoq. Aaliangiisussarlu taassaavoq, inuk pineqartoq periarfissaqartinneqarsinner-soq, atoqatigiinnermi assingusumilluunniit pisussami peqataajumanersoq.

Tamatumunnga atatillugu naqissuserneqassaaq, akuersisimanerup nalilernerani atoqatiginniffigineqarsimasup pisumi qanoq pissuseqarsimanera

aaliangiisuummat. Tiingarpalaartumik pissusilersorneq, unnukkut siusinnerusukkut kunissuussimaneq imal. angerlaanneqarsimaneq immineq atoqatigiinnissamut akuersinertut isumaqarfigineqarsinnaanngillat.

Atoqatigiinnermik akuersineq pisup ingerlanera tamaat ingerlassaaq. Akuersineq atoqatigiinneq tamaat pitillugu ingerlassaaq. Atoqatigiinnermi allatulluunniit peqatigiinnermi akuersisimaneq, imaanngilaq kingusinnerusukkut pisup ingerlanerani allanngortinneqarsinnaanngitsoq.

Akuersaarinninneq – minnerunngitsumik eqqartuussivikkoortitsinermi isumannaatsumik nalilersuisinnaanissaq eqqarsaatigalugu – allanik akuliussuinani tamakkiisumilli nalilerneqassaaq aallaavigalugit peqataasup qanoq peqataasimanerani paasissutissat, ilanngullugit oqaatsit atorneqarsimasut iliuuserisimasallu – aallaaviginagit inuup eqqarsaatimini isumai soorlu Taamatut pisoqarberata kingunerisaannik inuup eqqarsaatimini peqatigiinnerup pinissaanik kissaateqarsimannginnera, taamaakkaluartorli peqataluni, taamaattotlu akuersisimanertut nalilerneqassaaq.

Eqqartuussivik tassaavoq pisumut attuumassuteqartut tamaasa aallaavigalugit pineqartumi akuersaarinnittoqarsimansoq aaliangiisussusaq.

2.3.3. Justitsministeria (Inatsisinik atuutsitsinermut naalakkersuisoqarfik) isumaqarpoq, ullumikkut § 77-imi imm. 1 aamma 2-mi allassimasut tunngavigalugit unioqutitsinertut isumaqarfigineqartut pillaatissii-nermut inatsimmi siunissami aamma pinngitsaaliisimanertut isigineqassasut.

Qulaani imm. 2.1.3.2-mi taaneqartutut siunnersuutigineqarpoq siunissami pinerlunnertut isigineqassasut akuersinngitsumik atoqateqarnerit allatulluunniit kinguaassiuutitigut atoqatiginninnerit, tassanilu tunngaviulluni akuersinerup immineq kiffaanngissuseqarluni piumassuserisamik tunniunneqarsimanissaa, nalilii-nermi aallavigalugu pisup pineqartup qanoq iluseqarsimanera.

Tamakku tunngavigalugit justitsministeria isumaqarpoq, ullumikkut Kalaallit Nunaanni pinerlunnermut inatsimmi § 77, imm. 1 aamma 2 tunngavigalugit persuttaaneq sakkortuuliornissamilluunniit qunusaarinerit tunngavigalugit pisut pinerlunnertut isigineqassasut, tassa imaappoq atoqateqarneq allatulluunniit kinguaassiuutitigut atoqatiginninneq persuttaanikkut qunusaarinikkulluunniit pilersinneqarsimappat, tak. pinerlunnermut inatsimmi § 91-imi Kalaallit Nunaanni atuuttut aamma inuk atoqatiginniffi-

gineqartoq, imatut inissisimasimappat pisumi akiuussinnaanani, pinerlunnertut isiginnittaatsimi annertusisami ilaassasoq, tak. siunnersuutigineqartumi imm. 1.

Taamaattumik Justitsministeriap isumaa naapertorlugu ilaatigut akuerinerarneqartoq akuerineqarsinnaassanngilaq, tassa Justitsministeriap isumaa naapertorlugu ilaatigut akuersinertut atorneqarsinnaasutut isigineqarsinnaasorineqanngimmat, atoqateqarneq allatulluunniit kinguaassiuutitigut atoqatiginninneq akuersinermik tunngaveqartutut pisimanerassallugu, pisoq persuttaaneq imal. persuttaanissamik qunusaarineq atorlugit pisimappat, imal. atoqateqarneq killigitaasut saneqqullugit pingitsaaliinnerusimappat, tak. pinerlunnermut inatsimmi § 91 imal. pisoq anguneqarsimappat aapparineqartup ima inissisimanerani, pisumut akiuussinnaasimanani.

Taamaattumik pineqartuni taaneqartuni pinerlunnertut isiginninnerit allanngortinneqanngillat.

Maluginiaqquneqarpoq pisut assigiinngitsut akuersinertaqanngitsumik pisunik imaqartut tamakkivillugit assersuusiorlugillu saqqummiunneqanngimata.

2.3.4. Justitsministeriap pisuunermut atatillugu piunarsaqaatit, uppernarsaasiissutit uppernarsaasiussanillu naliliernut atasut pillugit pineqaatissiinermut atatillugu siunnersuisoqatigiit isumaqatigai.

Taamatut ilisumik siunissami aamma piunarsaqaataassaaq, pisuutitaasup pisuni tamani piaaraluni pinerlunnermut inatsisimmi § 77, imm. 1 naapertorlugu, iliuuseqarsimasutut isigineqarnissaa. Tamatumunnga atatillugu allanngortinneqanngilaq, unneerluussisoq tassaammat uppernarsaasiisussaq, aaliangiiffigalugulu pineqartoq pillaatissiinermi aaliangersagaq taaneqartoq unioqutissimaneraa taamallu pisuusuusoq.

Justitsminitseriamit tamakku pillaatissiinermut inatsimmut atatillugu Siunnersuisoqatigiit taasimasaat isumaqatigai, tassalu tunngavissaqanngitsoq pinerlunnermut inatsimmi piaarinani pinngitsaaliilluni atoqateqarsimasup pinerluttuliorsimasutut isiginissaa.

2.3.5. Justitsministeria isumaqarpoq, Pinerlunnermut inatsisip § 77-iata saniatigut sakkortusaammik ilanngussisoqassasoq.

Justitsministeria naliliivoq, Pinerlunnermut inatsimmi § 77-imi immikkut aaliangersaammik ilanngussisoqartariaqanngitsoq, taamaattumillu pisut ullumikkut § 77, imm. 1 aamma 2-imi atoqatigiinnikkut pinerlunnertut isigineqartut akornanni pineqaatissiinissamik aaliangiiniarnermi immikkut sakkortuumik pisimasutut isigineqartussanngorlugu.

Tamatuma Jusititsministeriap isumaa naapertorlugu malitsigilissavaa, pisimasuni pillaatissiinerit nalinginnaasumik appasinnerulernissaat, siunnersuutigineqartumut nutaamik pillaatissiissutissanut atatillugu ilassut eqqarsaatigalugu. Pisuni ataasiakkaani taamatut sakkortussutsimik pinasutsimillu nalilersuinissat Justisministeriap isumaa malillugu naapertuutinngillat.

Aammalu oqaatigineqarpoq, ullumikkut pillaatissiissutissat iluini aqutsineri pinerlunnermut atatillugu tunngavigineqassasoq inuk 18-it inorlugit ukioqarpat, ilallugu immikkut narjuumminartuliornertut. Kisianni pinerlunnermut inatsimmi pisuusumut periutsit naapertorlugit, pineqaatissiissutissamik aaliangiineri suli pisut immikkut tamarmik nalilersuiffigineqartussaapput, tassani pinerluutip sakkortullunilu peqqarniissusia pisuusullu inuttut inooqataanermilu atugai nalilersuinerni ilanngunneqassallutik. Pinerlunnermut inatsimmi § 77, imm. 3-mi inatsimmi nutaartaqarpoq, tassa aaliangersakkamik atuutsitsilernermi siullermeersumik inatsisiliortoqarmat siunertaralugu pisumi aaliangersakkami aaliangersimasumik unioqquutisisoqarsimappat erseqqinnerusunik malittarisassiuussinissaq.

Inatsisissatut siunnersuutaasumi innersuussutigineqarpoq § 1, nr. 1, tassungalugu tunngatillugu oqaasertaliunneqartut.

2.3.6. Justitsministeria isumaqarpoq, maanna pillaatissiineri inatsimmi § 77, stk. 1, nr. 3 (siunnersuutigineqartoq § 77, stk. 2) aamma §§ 78-80 naapertorlugit pineqartut § 77, imm. 1-ip nutaamik oqaasertaliuunnerani sanitatigut tigumminnarneqassasut

Taamaattumik pisup imaqartinneqarnerani aaliangersakkamiittoq ataaseq arlaqartulluunniit malinneqarpata, atoqateqarnerlu akuersinertaqanngitsumik pisimalluni, uanilu aamma paatsuugassaannngitsumik akuersinermik unioqquutisinermit pineqartumut tunniussisoqarsinnaanngippat taava taasat tunngavigalugit § 77, imm. 1-imi siunnersuutigineqartut kalluarfigineqasapput.

3. FN-ip nunarsuaq tamakkerlugu anguniagaanut kingunerussat

Nalilerneqarpoq inatsisissatut siunnersuut FN-ip nunarsuaq tamakkerlugu anguniagaasa ilaannut 16.3-mut ajunngitsumik sunniuteqassasoq (tassa pineqarluni inatsisigut isumannaassutsimut kikkullu tamarmik allatuulli naapertuuttumik eqqartuunneqarnissaannut periarfissaqartitaanissaat).

4. Assigiimmik pinninnissap kingunerisassai

Siunnersuut suaassutsimik tunngaveqanngilaq taamaammallu pinngitsaaliinikkut atoqateqarneq tunngavigalugu pinerluuteqarneq arnanut angutimullu assigiimmik tunngalluni. Kisianni angutit arnanit amerlanerujussuit pinngitsaaliilluni atoqateqarsimanerni pisuusutut unnerluutigineqartarput, tassalu taaneqartut pisuni arnat eqqugaasuusarlutik. Tamakku tunngavigalugit inatsisissatut siunnersuut kikkunnut tamanut assigiimmik pinninnissamik imaqartutut nalilerneqarpoq.

5. Pisortanut aningaasaqarnikkut atuutitsilerneramilu kingunerussat

Naatsorsuutigineqarpoq inatsisissatut siunnersuutip politiinut, unnerluussisoqarfinnut, eqqartuussivinnut aammalu pinerlutsaaliuisoqarfimmut aningaasartuutinik allisitsinissaa, tamakkiisumik 2023-mi 1,5 mio. kr-inik aammalu 2024-miit siunissamut 2,5 mio. kr-inik.

Naatsorsuutigineqanngilaq inatsisissatut siunnersuutip atuutinneqalernera arlaatigut kinguneqarumaartoq.

6. Inuussutissarsiornermi il.il. aningaasaqarniarnikkut allaffissornikkullu sunniutaasinnaasut

Inatsisissatut siunnersuut inuussutissarsiornermut il.il. aningaasaqarniarnermut allaffissornermulluunniit sunniuteqarnaviannigilaq.

7. Innuttaasunut allaffissornikkut sunniutaasinnaasut

Inatsisissatut siunnersuut innuttaasunut allaffissornikkut sunniuteqarnaviannigilaq.

8. Avatangiisinut pinngortitamullu sunniutaasinnaasut

Inatsisissatut siunnersuut avatangiisinut pinngortitamullu sunniuteqarnavi-
anngilaq.

9. Silaannarmut pinngortitamullu sunniutaasinnaasut

Inatsisissatit siunnersuut silaannaap qanoq issusianut sunniuteqarnaviangi-
laq.

10. EU-mi eqqartuussiveqarnermut attuumassuteqarneq

Inatsisissatut siunnersuut EU-mut atatillugu inatsisitigut inatsisiliorner-
mullu sunniuteqarnaviannngilaq.

11. Oqartussaaffeqarfiit ingerlatseqatigiiffiit il.il tusarniaaf- figineqartut

12. Eqikkaalluni skematut takussutissiaq

	Pitsaasumik sunni- utaasinnaasut/anin- gaasartuutit ikinne- rusut (Taamaappat, annertussusissaa taa- juk/Taamaangippat allaguk "soqas- sanngilaq")	Kingunerluutaasin- naasut/anin- gaasartuut amerla- nerusut (Taamaap- pat, annertussusis- saa taa- juk/Taamaangippat allaguk "soqassan- ngilaq")
Aningaasaqarnikkut naala- gaaffimmut, kommuninut nunallu immikkoortortaa- nut kingunerusinnaasut		Naatsorsuutigi- neqarpoq inatsisis- satut siunnersuutip politiinut, unner- luussisoqarfinnut, eqqartuussivinnut aammalu piner- lutsaaliuisoqarfim- mut aningaasartuuti- nik allisitsinissaa, tamakkiisumik 2023-mi 1,5 mio. kr-

		<p>inik aammalu 2024-miit siunissamut 2,5 mio. kr-inik.</p> <p>Aningaasartuuteqarnerulernerit siullertut isertitsivinni amerliartornermut pinerluttunik isumaginnittoqarfimmuat atatinneqassaaq.</p>
Atuutsitsilernerup naalagaaffimmut, kommuninut nunallu immikkoortortaanut kingunerisinnaasai	Soqanngilaq	Soqanngilaq
Inuussutissarsiornermut aningaasaqarniarnikkut kingunerusinnaasut	Soqanngilaq	Soqanngilaq
Inuussutissarsiornermut allaffissornikkut kingunerusinnaasut	Soqanngilaq	Soqanngilaq
Innuttaasunut allaffissornikkut kingunerusinnaasut	Soqanngilaq	Soqanngilaq
Avatangiisinut pinngortitamullu kingunerusinnaasut	Soqanngilaq	Soqanngilaq
Silaannaap qanoq issusianut kingunerusinnaasut	Soqanngilaq	Soqanngilaq
EU-mi inatsisinut inatsisiliornernullu kingunerusinnaasut	Soqanngilaq	
EUp inuussutissarsiornermut atatillugu naleqqussaalluni atuutsitsinerni periusersartagaanut tallimanut kalluuppoq/	AAP	NAAMIK X

EU-p naleqqussaateqarnis- samut piumasarisaasut minnerpaaffianit inger- laqqinneruvoq (X-iliigit)	
--	--

*Inatsisissatut siunnersuummi aaliangersakkat ataasiakkaat oqaaseqarfigi-
neri*

§ 1 pillugu

nr. 1 pillugu

Pinerlunnermut inatsimmi § 77 naapertorlugu pinngitsaaliilluni atoqateqarsimasutut aaliangiiffigineqarluni eqqartuunneqassaaq, inuk kinaluunniit persuttaanikkut (imm. 1, nr. 1) atoqateqarlunilu allatulluunniit kinguaassiuutitigut atoqatiginnissimasoq inummik imatut inissisimasimasumik, pisup pinerani akiuussinnaanani (imm. 1, nr. 2). Saniatigullu pinngitsaaliilluni atoqateqarsimasutut allatulluunniit ilaqarsimasutut pillaatissinneqassaaq kinaluunniit 12-it inorlugit ukiulimmik atoqateqarsimasoq (imm. 1, nr. 3). Taamatuttaaq aaliangiiffigineqassaaq kinaluunniit stk. 1-imi allasimasut tunngaviginngikkaluarlugit, akuerineqarsinnaanngitsumik pinngitsaaliilluni atoqateqarlunilu allatut kinguaassiuutitigut atoqatiginnittoq, tak. § 91 (imm. 2).

Siunnersuutigineqarpoq pinerlunnermut inatsimmi § 77, *imm. 1* nutaamik oqaasertaliuunneqassasoq taamatut iliornikkut aaliangiiffigineqassasoq kinaluunniit akuerineqaqqaarani atoqateqarlunilu allatut peqateqarsimasoq, pinngitsaaliilluni atoqateqarsimasoq.

”Atoqateqarnerup” paasineqartarnera atornerqarneralu siunnersuummi allanngortinneqassasoq naatsorsuutigineqanngilaq. Taamaattumik oqaatsip atornerqarnera kinguaasiutikkut itikkulluunniit atuisimanertut isumaqartinneqarpoq.

”Allatut iliorluni peqateqarsimaneq” aamma siunnersuummi allanngortinneqanngilaq. Taamatut ilisumik tamanna assersuutigalugu pissutsit atuutttut eqqarsaatigalugit tassaassaaq qanikkut milutsilluni atuisimasneq, kinguaassiuutinik kunissuillunilu aluttuisimaneq, inussanik arnap kinguaassiuutaanut

mangussisimaneq imal. allanik kinguaassiutaanut itianulluunniit manngus-
sisimasoq taamallu iliornikkut pinnguarinnissimasoq.

Akuersineq immineq kajumissutsimik tunngaveqartumik tunniunneqassaaq,
takutitsilluni pineqartup naqisimaneqarani kiffaangissuseqarneranilu
peqataasimaneranik, tassani aaliangiisuulluni pisoq qanoq qanorlu inger-
lasimasoq.

Akuersinermik nalunaarneq assigiinngitsutigut takutinneqarsinnaavoq,
oqaaseqarnikkut imaluunniit pissusilersornikkut. Piumasaqaa-
teqartoqanngilaq akuersinerup qanoq iluseqarnissaanik toqqaannartumik
imaluunniit toqqaannanngitsumik. Taamaattumik pinngitsaaliilluni
atoqateqarneq pillugu aaliangersakkami aaliangersimasumik tunngavi-
lersuineqassanngilaq pissallunili pisorpiaq tamakkiisumik naliliineq tun-
ngavigalugu.

Atoqatigiinnernut assigisaanullu akuersinerit assigiinngitsunik takutin-
neqarlutillu iluseqarsinnaapput.

Tunngaviatigut isigalugu naatsorsuutigineqassaaq, inuk atoqatigiinnissamut
assigisaanullu akuersisoq qereqqasutut illuni peqataassanngitsoq soqutigin-
nippalaarlunili peqataassasoq.

Pisut atoqatigiinnissamut assigisaanullu akuerinniffiusut assersuutigalugu
tassa makkuusinnaapput, kunissuunneq, attualaarinninneq, ilorrisimaarpa-
laarneq imal. peqataarpalaartumik aalariaaseqarneq. Soorlu aapparisaamut
saaterluni, immineq atisat piiaarnerini ikiuulluni, akuerserpalaartumik aal-
lariaasersorluni il.il.

Naalli taaneqartutut pissusilertortoqaraluartoq aamma akuersineq tunngavi-
unersoq akunnattoorfeqarsinnaavoq. Soorlu assersuutigalugu taamaattut
imaattuusinnaapput, atoqateqarneq ingerlanneqarluni arlaasumut
peqquusiileqinartumik.

Taaneqartutut pisuni, aapparisaq uninngalluinnarneratut ittunik, isum-
mersuutaasinnaavoq, taaamaattuni aapparisaq akuersaarinnissimanngitsoq,
taamaattumik atoqatiginninniartuusup allatulluunniit kinguaassiuutitigut
atoqatiginninniartuusup isumannaarniartussaavaa, taamatut iliorniarnini aa-
ppaasumit akuersarneqarnerisooq. Aamma atoqatigineqartoq uninngaannar-
pat taava nalilersuineq aaliangiisuussaaq atoqateqarneq akuerineqartumik
pisimanersoq.

Aammattaarli – uninngaannavittoqarpap – aamma taamatut pisoq akuer-saarinnertut suli nalilerneqarsinnaavoq. Tamatumanili naliliinermi ilaas-saaq, pineqartut siornatigut akuerinninneq tunngavigalugu atoqatigiissima-nersut, qunusaarinerit assigisaalluunniit atornagit, illuatungaatigulli isigini-arneqassalluni pineqartut siusinnerusukkut atoqatigiissimannginnersut alla-tulluunniit kinguaassiuutitigut atoqatigiissimannginnersut.

Akuersinertut isigineqanngisaannassaaq, aapparisaq qereqqasutut illuni uninngaannarluni akiuutinnigppat, tamanna ersinermik tunngaveqarsimap-pat. Tamakkumi pilersinnaasarpur soorlu assersuutigalugu ersineq peqquti-galugu qarasaq ”isaatitsisinnaajunnaaraangat” imal. ersineq peqqutigalugu timi oqalussinnaanerluunniit atorneqarsinnaajunnaarlutik nukillaaraangata, kisianni aamma ersineq tunngavigalugu imatut ilisoqarsinnaasarpooq pineqartoq soorlu aalaqquneqaruni sianiginngisaminik peqquneqarnini ma-liinnarlugu iliulersinnaasarluni. Tamannalu pisinnaavoq atoqateqarfigi-neqarneq allatulluunniit peqatigineqarneq sioqqulluguli pineranilu. Taam-maattoqartillugu akuersisoqarsimassanngilaq.

Pisuni, akuersinerup arlaatigut takussutissiissutigisimanerani, pisulli pinerani uninngaannalersoqarluni, taamallu ilumut akuersisoqarsimansooq apeqqusernarsilluni, soorlu assersuutigalugu taava akuersineq atoqatigi-neqarnissamut taamaallat tunngasinnaavoq killormulluunniit, tassa angutip kinguaassiuutaanik oqummiussinissaq allatulluunniit pinissaq kissaatigi-neqarnani, taamaattoqarpallu pisut aallaavigalugit nalilersuinissat inger-lanneqassapput, atoqatigineqarnermi suut akuerineqarsimansut suullu akuerineqarsimannginnersut. Taamaattoqartillugulu taava nalilersuinerit qulaani taakkartorneqareersut tunngavigalugit pisussassapput.

Atoqateqarnissamut allatulluunniit kinguaassiuutitigut atoqatiginninnissa-mut akuersinerup tunngavigissavaa, atoqatigineqartup immineq kajumissut-siminik pisumut akuersisimanissaa. Aaliangiisuussaarluni peqatiginia-rneqartup akuersinissamut akuersinnginnissamulluunniit periarfissaqartin-neqarsimanissaa.

Akuersisoqarsimanermik apeqqummi aaliangiisuuvoq atoqatiginia-rneqartoq allatulluunniit kinguaassiuutitigut atoqatiginiarneqartoq atoqatigiinnerup nalaani qanoq pissuseqarsimansooq. Tiingarpalaartumik pissuseqarneq, siusinnerusukkut kunissuussimaneq imal. angerlaqataasima-neq, atoqatigiinnissamut allatulluunniit pisoqarnissaanut akuersinertut im-minneq isigineqarsinnaanngillat.

Akuersineq – minnerunngitsumik eqqartuussivikkoortitsinermik pisoqar-nissaq sillimaffiginarlugu – aallaveqartinneqarpoq inuup atoqatigiinnermi allatulluunniit pisumi peqataasimanera, ilanngullugit oqaatsit atorpeqarsi-masut iliuuserisimasallu, inuup ilumini nipa qarani isumai aallaaviginagit. Tamatuma malitsigisaanik soorlu assersuutigalugu eqqarsaatimini atoqatigineqarnissamik allatulluunniit peqateqarnissamik kissaateqanngit-soq, taamaakkaluartorli atoqatigiinnermi peqqataasoq, nalilerneqassaaq pi-sumi akuersisimasutut.

Tamatuma aamma malitsigisaanik, pisumi, inuk pisarsimasuni arlaqartuni tamakkiisumik ilisimasaqanngitsoq/eqqaamasaqanngitsoq, pisimasuni pingaaruteqarsinnaagaluartuni, paasiumallugu sooq inuk kinguaasiuutitigut atoqatigiinnermi peqataasimansoq, tamanna mattussinngilaq, pisuni inuk pineqartoq atoqatigiinnissamut akuersisimasutut imal. allatut peqatigiin-nermut peqataasimasutut naliliiffiginissaanut. Pisuni atoqatigineqartoq ”sal-loqittaarineqarsimasutut” oqaraluarpuunniit paasinarlunilu atoqatiginnis-simasoq aapparisaq, tusaamasaammat, ukioqqortussutsimigut soqutiginar-mat, inuiaqatigiinni inissisimanermigut soqutiginaateqarmat mal. allatut inissisimassimammat, taava atoqateqarsimaneq akuersineq tunngavio-galugu pisimasutut isigineqassaaq.

Oqaaseq akuersineq” sukumiinerusumik paasiumaneqarpat innersuussutigi-neqarput inatsisissatut siunnersuut pillugu nalinginnaasumik nassuiaatitut oqaatigineqarsimasut imm. 2.3.1-2.3.3-mi allanneqarsimasut.

Inatsisissatut siunnersuut aqutitigalugu, pinerlunnertut isigisassani ullumik-kut pinngitsaaliilluni atoqateqarsimanermik § 77, imm. 1 aamma 2-mi al-lanneqareersimasut, allannngortinnissaat siunertarineqanngilaq, atoqatigiin-neq allatulluunniit kinguaasiuutitigut atoqatigiinneq anguneqarsimappat persuttaanikkut imal. persuttaanissamik qunusaaruteqarnikkut imal. atoqateqarneq anguneqarsimappat inatsisunik unioqqutitsillunik pinngit-saaliissuteqarnikkut, tak. § 91, imaluunniit pisoq pisimappat atornerlullugu atoqatigisap pisumut akiuussinnaajunnaaqqasimanera.

Pisuni taamaattuni immineq kajumissutsimik akuersisoqartoqarsimanavi-angilaq. Taamatummi pisoqarsimatillugu immineq kajumissutsimik aku-ersineq pisimanaviangilaq. Taamaattumik pisut ullumikkut Pinerlunner-mut inatsisimmut tunngatillugu aaliangersagaq § 77, imm. 1 aamma 2, si-unnersuummi imm. 1-imik taaneqartumi sukanganerusequmik pinerlunnermik naliliisalernermit ilaatinneqassapput.

Tamatuma malitsigisaanik ilaatigut akuerineqarsinnaasumik akuersisisimantertut isigineqanngilaq, atoqateqarneq persuttaanikkut persuttaanissamiluunniit qunusaarinikkut anguneqarsimappat.

Persuttaaneq tassaavoq nukit atorlugit sakkoqarluni sakkoqarnaniluunniit peqqarniisaarneq (tassani persuttaasuusooq nukeqarnerunini atorlugu pinngitsaaliilluni atoqateqarluni), imal. atoqateqartoqarluni aallatulluunniit iliortoqarluni atornerlunneqartoq allanik tigummineqartillugu aamma susinnaajunnaartitsinikkut pinngitsaaliilluni (tassani allatut persuttaanikkut, atoqatigineqartoq akiuinissamut sapilersillugu). Tassa pineqartumik tigummininneq persuttaaneruvoq taamatullu tamanna aaliangersakkami allasimasuni ilaavoq.

Persuttaaneq aamma annikinnerusumik persuttaanertut ingerlanneqarsinnaavoq, ilaatigut pinerlunnermut inatsimmi § 88-imi allasimasut avataani-issinnaasumik. Assersuutitut taaneqarsinnaapput tigummininnerit, pinngitsaaliilluni nissunik avissaartitsinerit imaluunniit qalliinerit. Taamaatumik tassa aaliangiisuunngilaq persuttaanerup qunusaarinerullu ator- neqarsimanerat, soorluli aamma pisut nipituuliornani qunusaarineritut issinnaasut.

Taamaattut kingunerivaat, akuerineqarsinnaasumik akuersisoqarsorinnis- sinnaanernik oqartoqarsinnaanermik akuerinnittoqarsinnaannginneq, atoqateqarneq allatut pinerlunnertut isigineqartumik pinngitsaaliinikkut pisimappat, tak. pinerlunnermut inatsimmi § 91.

Kiisalu aamma taamatut pisumi, akuersinertut isiginnittoqarsinnaanngilaq, atoqatigineqartoq arlaatigut imatut inissisimappat, pisumi akiuussinnaasi- manani.

»Inississimaneq« maanna inatsisitigut atuuttuni tassaasinnaavoq sininneq, ilisimannginneq, aalakoourujussuarneq/artuleqqaneq, kussunneqarsimasutut inneq, nikissinnaajunnaaqqaneq il.il.

»Pisut« tassaasinnaapput piareersimaffinngisamik pineqarnerit. Aalian- gersakkani ilaatigut pineqarput, ajortuliortup allamik piareersimanngitsu- mik atoqateqalernera eqqugaasooq soriariarsinnaatinnagu allatulluunniit ili- ornera. Taamatut pisut minnerunngitsumik pisinnaapput, eqqugaasooq mat- taangatillugu, taamallu ajortuliortumut mianernartutigut attualarisinnaaneq periarfissaqarluni, tamannalu akuerineqarsinnaasumik attuisinnaaneq qaan- gerlugu iliornerusssaaq. Taamaattunut assersuutitut taaneqarsinnaapput,

eqqiluisaernerup, nakorsamit misissorneqarnerup tagiartortinnerulluunniit nalaani pisinnaasut.

Naqissuserneqarpoq maluginiaqquneqarlunilu, akuerinerunngitsumik pisutut taakkartorneqartut matumani tamakkiisumik saqqummiunneqanngimata.

Suli § 77, imm. 1, atorneqarsinnaassappat, eqqunngitsuliortup piaaraluni pisimanissaani pineqartoq akuersinngitsoq pilersitsissup taanna piaaraluni atoqatigisimassavaa. Eqqartuussinermi pisuutitsinermik inerniliinissami naammangilaq, pisuutinneqartup ilisimasariaqaraluaraa, atoqaterneq allatulluunniit pineq akuerineqanngitsumik pisoq.

Unnerluussisuusoq uppersaasiisuusavaq, pisumi pineqartoq pinnerlunermut inatsit naapertorlugu uniuisoqarsimansoq.

Taamaattumik tamakkiisumik atoqateqarsimanerit pineqartillugit unnerluussisoqarfiup uppersartussaassavaa pisuutinneqartoq atoqateqarsimasoq aapparineqartoq akuersitinnagu aammalu atoqateqartup tamanna ingerlassimagaa nalunngikkaluarlugu aapparisani piumanngitsoq. Pisuni allanit nassuiaaserneqarsinnaanngitsuni, taamallu pinnittumit pineqartumillu oqaaserisaasut kisiisa aallaavigineqartillugit, tassanilu pineqartunit nassuiaatigineqartut assigiinngitsillugit, taava aaliangiisoqassaaq nassuiaatigineqartut akornanni suna tutsuiginartinnerpaasaq tunngavigalugu. Nassuiaatigineqartut tutsuiginassutsimikkut oqimaaqatigiissiittut nalilerneqarpata, taava aaliangiissutaassaaq arlaannilluunniit pisuutitsinnginneq. Taamatut pisoqarpat pisuutitsisoqassappalli tamatumunnga, taava uppersaasiineq ima kimeqartigissaaq, akunnattoorutissaqanngilluinnartuutinneqarluni, unnerluutigineqartumik pisuutitsinissaq.

§ 77, imm. 2-mi siunnersuutigineqarpoq, pinngitsaaliilluni atoqatigiinninnerusoq atoqatigineqartoq 12-it inorlugit ukioqarpat.

§ 77, imm. 2-imi imarisaasut nutaamik oqaasertaliuussinermik tunngaveqarput. Siunnersuutigineqarpoq § 77, imm. 1, nr. 3 maanna atuuttuusoq § 77, imm. 2-mut nuunneqassasoq. Siunnersuuteqarnermi naatsorsuutigineqanngilaq inatsisit tunngavigalugit tunngaviutinneqartoq allanngussasoq.

Aalajangersagaq naapertorlugu atoqatiginninneq sunaluunniit meeqqamut 12-it inorlugit ukiulimmut pinngitsaaliinertut pineqaatissiissutigineqassaaq.

Pinerluttulerinermi inatsit § 77, imm. 1, nr. 3, inatsisissatut siunnersuummi siunnersuutigineqarpoq § 77, imm. 2-mut nuunneqartussatut, nuunneqarporlu inatsit nr. 168, 27. februar 2019-meersaq naapertorlugu. Inatsimmi allangortinneqartumi pinngitsaaliinertut atoqatiginninnertut § 77-imi nutaamik ilaneqarpoq imm. 1, nr. 3, tassani pineqarluni atoqateqarneq allatigulluunniit kinguaassiuutitigut iliorneq meeqqamut 12-it inorlugit ukiulimmut. Inatsimmik taassuminnga ikkussinerup siunertaraa naqissuserumallugu pinerluttuliorneq annertoq eqqartorneqarmat, pinngitsaaliilluni atoqatiginninnerup naligisaa.

Aalajangersakkatut siunnersuutip § 77, imm. 2-p, atoqateqarneq allatulluunniit kinguaassiuutitigut iliuuseqarneq meeqqamut 12- it inorlugit ukiulimmut, aatsaat atorneqarsinnaavoq pineqartup nalusimangippagu meeraq 12-it inorlugit ukioqartuusoq. Pineqartup mianersuaalliornikkut nalusimappagu meeraq 12-it inorlugit ukioqartuusoq, taava taarsiullugu pinerluttulerinermi inatsit § 79, meeqqamut 15-it inorlugit ukiulimmut atoqateqatiginninneq naapertorlugu pineqaatissiisoqassaaq.

Siunnersuutigineqarpoq § 77, imm. 1 og 2, pinngitsaaliilluni atoqatigiinnermut atatillugu pillaatissiissutaasartut/pineqaatissiissutaasartut allangortinneqarniangillat. Pineqaatissiinermi/pillaatissiinermi pinerlunnermut inatsimmi § 121, imm. 1, nr. 1-imi allassimasut naapertorlugit, aallaviussaaq inatsisinik unioqqutsitsinerup sakkortussusaa, inuiaqatigiillu taamatut pisartut pitsaaliorumallugit soqutigisaaq. Taaneqartut saniatigut pinerlunnermut inatsimmi § 121, imm. 1, nr. 2 naapertorlugu, ilaassapput inuup pisuutinneqartup inuttut atugarisai, aammalu naliliinermi qanoq iliortoqasasooq taamatut pisoqaqqinnginnissaa isumannaarumallugu. Ilanngullugulu taaneqarpoq, pinngitsaaliilluni atoqateqarnerni inuit 18-it inorlugit ukiullit pineqartillugit, taamaattuni pineqatissiisarnerit inatsit nr. 572. 10. maj 2022-meersaq tunngavigalugu, sakkortusineqassasut. Piareersaataasumik suliaasumi takuneqarsinnaavoq, tassani siunnerfiuvoq pillaatissiissutaasarsimasut 50%-inik sakkortusineqarnissaat, tak. Folketingstidende 2021-22, A, L 126, qupp. 14.

Oqaatigineqarportaaq, pillaatissiisarnermut inatsisimmi § 77, stk. 1 aamma 2-mi allassimasut naapertorlugit pisartut assigiinngisitaartorujussuunerat peqqutigalugu pinngitsaaliilluni atoqateqarsimanernut pillaatissiissutaasarsartut aamma assigiinngisitaartuusarmata. Assersuutigalugu nalinginnaasumik pineqatissiineq sakkortusineqarsinnaavoq, pinngitsaaliilluni atoqateqarsimanernut atatillugu persuttaasoqarsimappat, pinngitaaliilluni atoqatiginninneq sivisuumik arlaqartunilluunniit peqataaffigineqartumik

pisimappat imal. pinngitsaaliilluni atoqatiginnittoq atonerlunneqartup an-gerlarsimaffianut iserluni atonerluisimappat. Killormulli aamma pineqatis-siineq appartinneqarsinnaavoq soorlu assersuutigalugu kinguaassiuutikkut atonerluinani allatut atonerlusioqarsimappat imal. tamatuminnga misi-liisoqarsimappat.

Pineqatissiinissap qanoq ittuunissaanik aaliangiineq nalilersuinerlu tassa pisuni tamani eqqartuussiviup naliliineranik tunngaveqartarpoq.

Inatsisissatut siunnersuummut nalinginnaasumik oqaasertaliussani imm. 2.3.1-imi innersuussutigineqarpoq.

Nr. 2-mut

Pinerlunnermut inatsimmi § 79 naapertorlugu meeqqamik atoqateqarsima-neq inuk 15-it inorlugit ukiulimmik atoqateqarsimasoq, tamanna § 77, imm. 1, nr. 3-mi allassimasunut attuumassuteqanngippat.

Siunnersuutigineqarpoq § 79 allangortinneqassasoq, taamatut iliornikkut inuk meeqqamik 15-it inorlugit ukiulimmik atoqateqarsimasoq allatulluun-niit kinguaassiuutitigut atoqatiginnissimasoq meeqqamik ilaqarsimasutut pillaatissinneqassalluni, pineqartoq § 77, imm. 2-mi allassimasunut at-tuumassuteqanngippat.

§ 79-imi allanguinikkut innersuussineq § 77, imm. 1, nr.3-miit § 77, imm. 2-mut illuartinneqarpoq.

Allanguisoqarpoq pequtigalugu § 77, imm. 1 aamma 2 nutaamik oqaasertalernerqarmata § 77, imm. 1, nr. 3 nuuttariaqalermat § 77, imm. 2-mut. Innersuussutigineqarporlu inatsisissatut siunnersuutip oqaasertalernerani § 1 nr. 1.

§ 2-mut

Siunnersuutigineqarpoq inatsisip 1. juli 2023 atuutilernissaa.

Pinerlunnermut inatsit § 3 naapertorlugu, inatsit atuutsinneqalerpat pisi-masut tamarmik taanna tunngavigalugu aaliangiiffigineqartalissapput. Pisut, inatsisip pineqartup atuutilernerata kingorna aaliangiiffigineqartut, aaliangiiffigineqassapput pineqartumut malittarisassiuussat malillugit. Aaliangiinerilli siuliani naliliinernit sakkortunerussanngillat.

Inatsisip atuutilernerata kingorna pisut taannalu tunngavigalugu aaliangi-
ussat taava nalinginnaasumik atuutilissapput, tassani aaliangiinissat malit-
tarisassiat nutaat malillugit, kisiannili aatsaat pineqatissiisoqassalluni,
malittarisassat siuliusut malillugit pisimasoq pinerlunnertut
nalilernerqarsimappat, pineqaatissiinerillu siulii malillugit aaliangi-
ussaasunit sakkortunerussanngillat.

Siunnersuutigineqarpoq pisimasut pinerlunnertut nutaatut siunnersuutigi-
neqartut, taamalineratigut aatsaat iliuuseqarfigineqarsinnaasut, inatsisip nu-
taap atuutilernerata kingorna pisimappata.

Ilanngussaq 1

Inatsisissatut siunnersuut maanna inatsisaasumut sanilliullugu

Oqaasissiuineq atuuttoq

Inatsisissatut siunnersuut

§ 1

Pinerlunnermut inatsimmi, tak. inatsit pillugu ilisimatitsisut nr. 1045 ulloq 7. december 2017-imeersoq, § 2-tut taallugu allanngortinneqartoq inatsimmi nr. 168, ulloq 27. februar 2019-imi aammalu § 2 inatsimmi nr. 1056 ulloq 30. juni 2020 imeersumi, imatut allannguisoqarpoq:

Oqaasissiuineq atuuttoq

§ 77. Pinngitsaaliilluni atoqateqarsimasutut eqqartuussivimmit aalingiiffigineqassaaq, makkuninnga iliorsimasoq

1) persuttaanikkut persutaanissamilluunniit qunusaarinikkut pinngitsaaliilluni atoqateqarsimaguni allatulluunniit atoqatigisamik atu-isimaguni,

2) atoqateqarsimaguni allatulluunniit kinguaassiuutitigut atoqateqarsimaguni inummik imatut inissisimasumik pisumi pi-umanani akiuussinnaanani, imaluunniit

3) atoqateqarsimaguni allatulluunniit kinguaassiuutitigut atoqateqarsimaguni meeqqamik 12-it inorlugit ukiulimmik.

Imm. 2. taamatutaaq aaliangiiffigineqassaaq imm. 1-imi allasimasunit allaanerusumik tunngaveqartumik atoqateqarsimaguni allatulluunniit kinguaassiuutitigut atoqateqarsimaguni, tak. § 91.

Imm. 3. ---

§ 79. Meeqqamik 15-it inorlugit ukiulimmik atonerluisimasoq, atoqateqarluni allatulluunniit kinguaassiuutitigut atoqateqarsimasutut pineqaatissinneqassaaq pisusup meeqqap ukiui ilisimasimapagit imalunniit tunngavinnut eqqumanniffiginnissimanani iliuseqar-simamaguni, pisoq § 77, imm. 1, nr. 3-mi allasimasuni ilaanngip-pat.

Inatsisissatut siunnersuut

1. § 77, imm. 1 aamma 2, imatut ilusilerneqarluni oqaasissiorneqassaaq:

» Pinngitsaaliilluni atoqateqarsimasutut aaliangiiffigineqassaaq inuk akuersinngitsumik atoqateqarsimasoq allatulluunniit kinguaassiuutitigut atoqateqarsimasoq.

ImmStk. 2. Pinngitsaaliilluni atoqateqarsimasutut pineqaatissinneqassaaq inuk meeqqamik 12-it inorlugit ukiulimmik atoqateqarsimasoq allatulluunniit kinguaassiuutitigut atoqateqarsimasoq.«.

2. I § 79 allanngortinneqassaaq »§ 77, imm. 1, nr. 3.« taanna tassaalerluni: »§ 77, stk. 2.«.

